

0 10 20 30 40 50 60 70 80 90 100 110 120 130 140 150 160 170

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
3

Kodak Color Control Patches

甯津縣志

22.6213
3035.073
3



甯津縣志卷三

光緒二十六年重修

田賦志

按禹貢兗州厥田惟中下厥賦貞惟中者有三載乃同

古人之定賦稅若此其慎也 國朝定鼎以來革明

季加派之煩與民更始順治十四年命戶部右侍郎


王宏祚將各直省每年額定徵收起存總撤實數編

撰賦役全書亦既頒行天下矣甯邑兗州舊域絕長

續短僅及六十里而戶口日增於昔勉為輸納其間

名目頗繁凡已經全裁解部者不再臚列志田賦

戶口



光緒二十四年共計戶肆萬伍仟肆百伍拾伍戶男女
大小共計貳拾叁萬叁仟玖百伍拾貳口

地糧

原額民竈等地共柒千肆百肆拾伍頃玖拾伍畝貳分
零玖毫今實在地共柒千伍百貳拾伍頃壹拾捌畝
柒分零柒毫各征銀不等分列於左

優免地伍百柒拾陸頃每畝徵正加銀貳分叁釐肆毫

壹絲柒忽壹纖壹沙玖塵叁渺柒漠

順治十四年奉
文優免地全征

每畝征免銀貳毫玖絲叁微肆纖共征銀壹拾陸兩
柒錢貳分叁釐伍毫捌絲肆忽另征解部是年又奉
文免銀仍歸
地糧銀批解

共徵銀壹千叁百陸拾伍兩伍錢肆分玖釐貳毫貳
絲玖忽陸微伍纖叁沙壹塵貳埃

行差民地陸干陸百叁拾柒頃陸拾畝伍分玖毫

康熙十六

年分奉文清查自首

行差地柒拾伍頃 共行差民地陸干柒百壹拾貳

頃陸拾畝伍分玖毫每畝徵正加銀貳分叁釐柒毫

柒忽肆微伍纖壹沙玖塵叁渺柒漠

共徵銀壹萬伍千玖百壹拾叁兩捌錢柒分陸釐貳

毫叁絲壹忽玖微柒纖陸塵捌埃壹渺

寄莊地壹百貳拾貳頃貳拾畝貳分每畝徵正加銀肆

分肆釐貳毫柒忽伍纖壹沙玖塵叁渺柒漠

共徵銀伍百肆拾兩貳錢壹分玖釐壹絲伍忽陸微

柒纖叁沙伍塵玖埃肆渺柒漠

竈地玖拾玖頃柒拾畝柒分貳釐捌毫每畝徵正加銀

壹分柒釐柒毫柒絲伍忽伍微玖纖貳沙叁埃叁渺

柒漠

共徵銀壹百柒拾柒兩貳錢叁分伍釐伍毫玖絲伍

忽捌微玖纖玖沙捌埃陸渺壹漠

竈買民地壹拾頃肆拾叁畝柒分柒釐每畝徵正加銀

叁分玖釐捌絲叁忽玖微貳纖伍沙玖塵叁渺柒漠

共徵銀肆拾兩柒錢玖分肆釐陸毫貳絲玖忽叁微

肆纖伍塵肆渺玖漠

屯課荒地

康熙十三年開懇

肆頃貳拾叁畝伍分每畝徵銀壹

分柴釐柒毫柒絲伍忽伍微玖纖貳沙叁塵叁渺柒
漠

共徵銀柒兩伍錢貳分柒釐玖毫陸絲叁忽叁微肆
纖陸塵壹埃陸渺玖漠伍湖

以上各項實在共地柒千伍百貳拾伍頃壹拾捌
畝柒分零柒毫

無閏共徵銀壹萬捌千肆拾伍兩貳錢叁釐叁毫玖絲
每兩均攤丁匠銀貳錢柒釐貳絲陸忽捌微壹纖玖
沙貳塵捌埃貳渺柒漠叁湖共均攤丁匠銀叁千柒
百叁拾伍兩捌錢肆分玖毫共徵正銀貳萬壹千柒

百捌拾壹兩肆分肆釐零

有閏每畝加銀貳毫共徵銀壹萬捌千貳百叁拾陸兩
玖分貳釐每兩均攤丁匠銀貳錢柒釐貳絲陸忽捌
微壹纖玖沙貳塵捌埃共均攤丁匠銀叁千柒百叁
拾伍兩捌錢肆分玖毫每兩均攤丁閏銀柒釐共丁
閏銀壹百肆拾叁兩叁錢零共徵銀貳萬貳千壹百
壹拾伍兩貳錢叁分肆釐零

正賦之外每地丁銀壹兩加耗羨銀壹錢肆分每年額
征耗羨銀叁千肆拾玖兩叁錢肆分陸釐遇閏加閏
銀肆拾陸兩柒錢捌分柒釐自雍正二年爲始奉文

隨同正項錢糧報解

丁數

原額上中下三等玖則實折下下人丁肆萬叁千伍

百玖拾叁丁伍分屢經編審除去逃亡故絕及贖回

丁數康熙十五年贖合以撤出優免供丁丁數優免

伍百柒拾陸丁順治十四年除鄉紳舉貢生員本身

丁貳百捌拾伍丁照例優免外撤出供丁貳百玖拾

壹丁奉並節年新增丁數實在行差人丁叁萬肆千

壹百捌拾伍丁每丁徵銀壹錢捌分共徵銀陸千壹

百伍拾叁兩叁錢遇閏共徵閏月丁銀玖百陸拾貳

兩叁分肆釐貳毫柒絲陸忽叁微貳纖康熙五十年

後編審出各年

盛世滋生人丁欽奉

恩詔永不加賦於雍正元年奉

旨以雍正二年為始攤入地糧內徵收

留支

乾隆五十一年奉文正耗地糧全行起運其尙在存

留中支銷者均赴司請領回縣支銷嘉慶四年五月

間欽奉

上諭州縣教職佐雜及吏役人等工食仍照舊例在於本處

徵收地糧銀內坐支其留支款項各列於後

龍亭修理銀壹兩康熙十七年裁銀伍錢實支銀伍錢
文廟修理銀拾兩

本縣知縣俸薪銀陸拾叁兩肆錢玖分順治十叁年裁
銀拾捌兩肆錢玖分解部實支俸薪銀肆拾伍兩

門子貳名每名歲支工食銀柒兩貳錢順治九年每
名裁銀壹兩貳錢實支銀共拾貳兩

件作叁名每名歲支工食銀陸兩共支銀拾捌兩

馬快捌名每名歲支工食銀拾捌兩順治九年每名
裁銀壹兩貳錢實支共銀壹百叁拾肆兩肆錢

民壯叁拾名每名歲支工食銀柒兩貳錢順治九年

每名裁銀壹兩貳錢實支共銀壹百捌拾兩

皂隸拾叁名每名歲支工食銀柒兩貳錢雍正七年

共裁銀拾伍兩陸錢實支共銀柒拾捌兩

禁卒捌名每名歲支工食銀柒兩貳錢順治九年每

名裁銀壹兩貳錢實支共銀肆拾捌兩

轎傘扇夫柒名每名歲支工食銀柒兩貳錢順治九

年每名裁銀壹兩貳錢實支共銀肆拾貳兩

庫子肆名每名歲支工食銀柒兩貳錢順治九年每

名裁銀壹兩貳錢實支共銀貳拾肆兩

斗紀肆名每名歲支工食銀柒兩貳錢順治九年每

管海縣志 卷三
名裁銀壹兩貳錢實支共銀貳拾肆兩

本府經廳俸薪銀肆拾捌兩貳錢零貳釐順治十三年
裁銀捌兩貳錢貳釐實支銀肆拾兩

典史俸薪銀叁拾壹兩伍錢貳分

門子壹名歲支工食銀柒兩貳錢順治九年裁銀壹
兩貳錢實支銀陸兩

皂隸肆名每名歲支工食銀柒兩貳錢共銀貳拾捌

兩捌錢順治九年每名裁銀壹兩貳錢實支共銀
貳拾肆兩

馬夫壹名歲支工食銀柒兩貳錢順治九年裁銀壹

兩貳錢實支銀陸兩

教諭俸薪銀叁拾壹兩伍錢貳分乾隆元年加增銀捌
兩肆錢捌分實支共銀肆拾兩

訓導俸薪銀叁拾壹兩伍錢貳分乾隆元年加增銀捌
兩肆錢捌分實支共銀肆拾兩

廩膳生員貳拾名每名支月糧銀捌錢每年共銀壹
百玖拾貳兩順治十三年裁叁分之貳銀壹百貳
拾捌兩實淨支銀陸拾肆兩遇閏加閏月銀伍兩
叁錢叁分叁釐

儒學齋夫陸名每名歲支工食銀拾貳兩共銀柒拾

貳兩康熙三年裁汰齋夫叁名實共支銀叁拾陸兩

膳夫貳名每名歲支工食銀貳拾兩共支銀肆拾兩

順治十三年裁叁分之貳銀貳拾陸兩陸錢陸分

陸釐陸毫實共支銀拾叁兩叁錢叁分叁釐叁毫

門斗伍名掌教叁名分教貳名每名歲支工食銀柒

兩貳錢共銀叁拾柒兩康熙三年奉裁叁名每名

仍支銀柒兩貳錢共支銀拾肆兩肆錢

文廟崇聖名宦鄉賢春秋貳大祭銀肆拾兩

關帝廟叁大祭銀肆拾兩

文昌帝君春秋貳大祭銀貳拾陸兩陸錢陸分陸釐光緒

元年加祭銀壹拾叁兩叁錢叁分叁釐共支銀肆拾

兩

社稷山川風雲雷雨城隍馬神八蜡等神春秋貳大祭銀

叁拾兩

叁小祭無祀鬼神銀拾兩

鄉飲酒禮銀拾貳兩

朔望行香紙燭銀壹兩

時憲書銀叁兩

先農壇農夫貳名每名歲支工食銀陸兩共銀拾貳兩遇

閏加閏月共銀壹兩

裁剩鋪兵肆名每名歲支工食銀陸兩共支銀貳拾

肆兩

吹手捌名每名歲支工食銀陸兩共支銀肆拾捌兩

更夫肆名每名歲支工食銀陸兩共支銀貳拾肆兩

火夫捌名每名歲支工食銀陸兩共支銀肆拾捌兩

孤貧陸拾柒名每名歲支月糧銀貳兩壹錢陸分共

銀壹百肆拾肆兩柒錢貳分乾隆二年加增銀玖

拾陸兩肆錢捌分共支銀貳百肆拾壹兩貳錢遇

閏加閏月銀貳拾兩壹錢

又冬衣布花銀拾叁兩肆錢乾隆六年新增銀伍

兩貳錢肆分玖釐叁毫捌絲叁忽共實支銀拾捌

兩陸錢肆分玖釐叁毫捌絲叁忽

石景山同知民壯拾貳名每名歲支工食銀陸兩共

支銀柒拾貳兩

承德府民壯貳名每名歲支工食銀陸兩共支銀壹

拾貳兩

滄州管河州判民壯叁名每名歲支工食銀陸兩共

支銀壹拾捌兩

景州管河州判民壯壹名歲支工食銀陸兩

驛站遞馬工料銀肆拾肆兩叁錢捌分捌釐閏月加銀叁兩陸錢玖分玖釐

貢生盤費花紅旗匾銀肆拾兩每年帶徵銀貳拾兩康熙二十六年奉裁盤費銀拾柒兩伍錢每年實支銀

貳兩伍錢二年一辦下
俱三年一辦

會試舉人盤費銀拾兩每年實帶徵銀叁兩叁錢叁分叁釐叁毫叁絲肆忽

新中舉人牌坊銀捌拾兩每年實帶徵銀貳拾陸兩陸

錢陸分零康熙二十九年奉文歸入起運解
部遇鄉會年照數起運銀內動給

新中進士牌坊銀壹百兩每年實帶徵銀叁拾叁兩叁

錢叁分叁釐叁毫叁絲叁忽動給
如前

新中武舉花紅旗匾銀拾兩每年帶徵銀叁兩叁錢叁

分叁釐叁毫叁絲叁忽順治十三年半裁銀壹兩陸

錢陸分陸釐陸毫陸絲柒忽解部每年實帶徵銀壹

兩陸錢陸分陸釐陸毫陸絲柒忽武舉鷹揚宴銀肆
兩俱動給如前

新中武進士花紅旗匾銀貳拾兩每年帶徵銀陸兩陸

錢陸分陸釐陸毫陸絲陸忽順治十三年半裁銀叁

兩叁錢叁分叁釐叁毫叁絲叁忽每年實帶徵銀叁

兩叁錢叁分叁釐叁毫叁絲叁忽動給
如前

會試膳錄書手捌名共銀貳拾肆兩每年帶徵銀捌兩

順治十三年半裁銀肆兩解部每年實帶徵銀肆兩
以上留支每年共銀壹千柒百伍拾兩零貳錢貳
分貳釐柒毫壹絲陸忽遇閏加閏月銀叁拾兩零
壹錢叁分貳釐

起運項下

無閏之年額解起運地糧正銀貳萬零叁拾兩零捌
錢貳分貳釐外又解隨正耗羨銀貳千捌百零肆
兩叁錢壹分伍釐零捌絲又解隨留支改歸耗銀
貳百肆拾伍兩零叁分壹釐捌絲

有閏之年額解起運地糧正銀貳萬零叁百叁拾肆

兩捌錢捌分又解隨正耗羨銀貳千捌百肆拾陸
兩捌錢捌分叁釐貳毫又解隨留支改歸耗銀貳
百肆拾玖兩貳錢肆分玖釐伍毫陸絲

鹽課

謹按鹽之入貢自禹貢青州始然制爲獻令非有征也鹽人掌鹽自周禮天官始然以供食用未有禁也自夷吾煮海之說興而後世稅課頻增遂法網加密矣甯津原齊地也而虞夏至周三代時已不同若是敢謂彈丸之邑猶及古遺乎惟九河東下海濱固亦廣斥耳志鹽課

按雍正十年以富民利民阜財等鹽場竈戶歸併於滄州南皮甯津東光及山東海豐樂陵等十四州縣管轄其竈課銀兩卽由州縣徵運司又長蘆鹽法志

景州東光河間甯津吳橋獻縣交河阜城等十五州
縣食鹽均在滄州分司所轄海豐嚴鎮二場鹽配運
稱掣

甯津隸竈籍者叁拾陸戶 舊志按此或沿明舊制與今不符別詳在下

場竈 長蘆鹽法志

甯津縣境內歸併阜民阜財海潤三場共原額竈丁貳
拾陸丁半捌戶男婦大小肆百伍拾陸口阜民場竈
丁貳拾肆丁半陸戶男婦大小叁百伍拾伍口阜財
場竈丁壹丁壹戶男婦大小一拾陸口海潤場竈丁
壹丁壹戶男婦大小捌拾伍口

竈課表 長蘆鹽法志

阜民場竈丁貳拾肆丁半原額竈地拾伍頃玖拾柒畝

貳分柒釐捌毫新增竈地貳畝陸分柒釐

每丁徵白鹽拾捌觔肆兩伍錢貳分壹釐貳毫柒絲

陸忽壹微柒纖柒沙壹塵伍埃肆渺伍糊共額徵進

貢白鹽肆百肆拾柒觔拾肆兩柒錢柒分壹釐貳毫陸絲

陸忽叁微肆纖貳塵柒埃肆渺貳漠貳糊

每竈地壹畝徵課銀玖釐肆毫肆絲肆忽伍微捌纖

肆沙叁塵陸埃陸渺柒漠伍糊共徵課銀壹拾伍兩

壹錢貳分伍釐陸毫貳絲陸忽捌微貳纖捌沙壹塵

伍埃叁渺柒漠遇閏每畝加徵竈課壹毫壹絲壹織
叁沙叁塵陸埃肆渺捌漠柒糊共徵閏銀壹錢柒分
伍釐柒毫貳絲壹忽玖微貳織柒沙肆塵壹埃貳渺
捌漠貳糊新增邊布每畝徵銀伍釐陸毫肆絲陸忽
柒微捌織玖沙玖塵共徵新增邊布銀壹分伍釐柒
絲陸忽玖微貳織玖沙叁埃叁渺

阜財場竈丁無竈地叁頃叁拾陸畝陸分

每竈地壹畝徵課銀玖釐肆毫壹絲柒忽伍微柒織
肆沙玖塵捌埃玖渺陸漠陸糊共徵課銀叁兩壹錢
陸分玖釐玖毫伍絲伍忽柒微肆織壹沙伍塵壹埃

捌渺柒漠伍糊遇閏每畝加徵竈課壹毫叁絲壹忽
貳微柒織貳沙玖埃肆渺伍漠貳糊共加閏銀肆分
肆釐壹毫捌絲陸忽壹微捌織柒沙壹埃伍渺肆漠
叁糊

海潤場竈丁壹丁竈地貳頃柒拾伍畝玖分

每丁徵進

貢白鹽陸筋陸兩伍錢叁分壹釐貳絲柒忽壹微伍沙陸
塵伍埃貳渺貳漠叁糊

每竈地壹畝徵竈課壹分伍毫捌絲陸忽壹微伍織
捌沙叁塵叁漠玖糊肆虛壹澄伍清伍淨肆遠玖巡

共徵課銀貳兩玖錢貳分柒毫貳絲壹忽柒纖伍沙
 柒埃捌渺柒漠肆糊柒虛肆澄玖清玖淨陸遠玖巡
 遇閏每畝加課銀壹毫叁絲肆忽伍微肆纖玖沙柒
 埃捌渺貳漠玖糊捌虛叁澄壹清壹淨肆遠捌巡共
 加閏銀叁分柒釐壹毫貳絲貳忽玖纖柒塵貳渺伍
 漠肆虛壹澄叁清柒淨叁遠叁巡

原額壹仟捌百引康熙十八年奉文增捌拾叁引實行

鹽壹仟捌百捌拾叁引府志

共徵課銀捌百柒拾捌兩貳錢陸分捌釐捌毫陸絲府志
 今額銷長蘆鹽壹仟陸百玖拾伍引除迭奉提繳減停

貳百壹拾柒引實運銷引鹽壹仟肆百柒拾捌引

共徵課銀壹仟零拾叁兩捌錢伍分玖釐光緒通志

運道由御河至連鎮落廠車運至本縣總店分銷鹽法志

鹽價每鹽壹觔大制錢貳拾壹文復加價貳文同治十

三年經督憲李奏明加價貳文光緒二十二年奉

文又加壹文現賣貳拾陸文水程驗單殘引隨鹽到

縣隨時繳銷每包鹽計重伍百陸拾柒觔柒兩

按甯津居九河之中東漸於海本斥鹵地也故舊不

食引鹽食之自明嘉靖朝始厥後鄆懋卿於三十九

年搜括工本外復立剋限法徵值追遺乃至添單添

引尤淮浙所無幸爾時郡守杜應芳爲包課之議其法稍便於民然又恐其或有缺稅也

國朝自順治十年始禁派丁而行商鹽因地方大小額引數多寡課銀若干由長蘆鹽道徵解民無派累之擾商得乘便而營亦濟時之權宜也

會典曰戶部鹽法凡無引而私行及越境私販者有禁民或犯令由地方文武官緝治之疏縱者論若老弱孤獨擔負四十筋以下者免譏

鹽法志乾隆九年覆准河南巡撫碩色議奏查豫省地內有鹹土硝土鹽土之不同皆可成土鹽大概產

於旱天瘠地隨處皆有隱見無定乃天地自然之利應只許其自行食用不許公行煎販貨賣並取具地

方官並無私販私煎印結送部查覆

畿輔通志

雜稅

附

典當壹座在長灣店

舊額每年徵銀伍兩自光緒二十三年每年加銀肆拾伍兩共徵銀伍拾兩

田房稅

牙帖稅

牛驢花布等稅

以上雜稅歲收豐歉難以預定計共徵銀每年壹百捌拾叁兩

大清會典曰凡城廂衢市山場鎮集舟車所輳諸地擇民之良者授之帖以爲牙僮使辨物平價以通貿易而稅其帖自質庫商行操奇贏以逐利者有行鋪稅牲畜之粥於市者有馬牛稅豬羊稅水陸貨物自遠至者有落地稅若夫闐闐旗亭日陳百物販夫販婦擔負奇零皆無徵

又曰行商大賈挾貨貨殖皆有徵稅其有匿應稅之物者論如法至小民日用所需擔負奇零之物皆不在

徵權之條

甯津縣志卷四

光緒二十六年重修

學校志

昔明太祖洪武二年詔天下郡縣皆立學八年頒發
卧碑十三條於天下府州縣學皆勒石永遵其文載
函史我

朝文教覃敷肇造之初所頒卧碑八條尤爲言簡而賅意
深而遠凡在學校者固宜奉爲圭臬珍重書紳也爰
列首編示先器識志學校

欽頒卧碑文

順治九年

朝廷建立學校選取生員免其丁糧厚以廩膳設學院學

道學官以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非
爲者子旣讀書明理當再三懇告使父母不陷於危
亡

一生員立志當學爲忠臣清官書史所載忠清事跡務
須互相講究凡利國愛民之事更宜留心

一生員居心忠厚正直讀書方有實用出仕必作良吏
若心術邪刻讀書必無成就爲官必取禍患行害人
之事者往往自殺其身常宜思省

一生員不可干求官長結交勢要希圖進身若果心善
德全上天知之必加以福

一生員當愛身忍性凡有司官衙門不可輕入卽有切
己之事只許家人代告不許干與他人詞訟他人亦
不許牽連生員作證

一爲學當尊敬先生若講說皆須誠心聽受如有未明
從容再問毋妄爲辨難爲師亦當盡心教訓毋致怠
惰

一軍民一切利病不許書生上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

學宮

按上丁萬舞夏正開先泮水采芹魯詩載詠三代之學宮尚矣自漢高帝十二年始祭孔子以太牢自明帝永平十五年始祀七十二弟子而獨以顏子配饗餘皆下列至東魏趙州李瑋爲兗州刺史修孔子廟乃雕堦十哲侍像升祔殿堂此尤千古創舉現今曲

阜 聖哲諸像猶是興和三年李瑋所堦者也唐宋以來陸續始分四配累增封號曰至聖及元大德十一年武宗制加孔子曰大成至聖前明嘉靖九年稱至聖先師 本朝因稱大成至聖先師遂爲定制若崇聖祠祀位暨兩廡從祀諸人則具詳會典

學宮

在縣治南迤東舊在縣治南經兵燹後宮牆盡

廢元至大二年漫散戶長官李仲傑創建明洪武三年邑令朱逢吉增修宏治十三年邑令孔公華改建有記嘉靖元年同知姜佐孫玠重修並造祭器三年邑令熊爵十三年邑令鄭用時十七年邑令葉紹先

先後修葺四十五年邑令姚良卿典史方子明重修
有記萬曆十六年邑令余鏜二十三年邑令馬愨四
十二年邑令張修德均加修葺崇禎十七年邑令史
乘古重修有記

國朝康熙五年訓導康宏重修雍正二年邑令甘國圖重
修有記乾隆六十年邑令黃虞重修道光五年邑令
董瀾重修三十年邑令蔣大鏞重修有記光緒十三
年邑令王廷鈺重修

舊志大殿五楹額曰大成殿左右爲兩廡各七楹南
爲戟門左啟聖祠三間右鄉賢祠三間又南爲櫺星

門臨街有坊久圯又南面城伊邇嘉靖二十二年邑
令高儒在城下鑿龍門穿渠通水以宣風氣今

大成殿五楹殿後

崇聖祠三間

舊名啟聖祠在戟門左明洪武三年邑令
朱逢吉建道光三十年邑令蔣大鏞改建

於此殿前東西兩廡各七間又前戟門三楹兩旁門左

額曰騰蛟右曰起鳳門左文昌五代祠三間齋房二
間右鄉賢祠三間宰牲所二間門前爲泮池東偏爲
文昌重閣再前爲櫺星門兩旁便門左曰禮門右曰
義路兩隅爲下馬碑

明大學士李東陽撰重修廟學記先王建國君民
教學爲先故王化所施必自學政始自唐開元間

立先聖廟迨宋歷元廟學合一其制浸備至我皇
 明稽古崇文內而國都外而郡邑莫不有學皆所
 以興教化而育材致用也百有餘年文教之美比
 隆虞周嗚呼盛哉甯津在邦畿中土地膏沃民庶
 而富俗敦而龐為河間首邑惟學宮之建規模狹
 隘僻在西隅其間凡幾更革而舉未合程度矧傾
 頽圯壞不可復支故人才多英俊而屢厄於科第
 人咸以為學校之敝使然也宏治辛酉春二月適
 闕里孔公來令茲土既廟謁顧瞻而歎曰學校首
 教化之地敝陋如是顧可以導民而善俗乎斯吾
 之責也徧相四隅乃於東北得古窟一區延袤數
 畝與故址相連亟謀於眾請命於巡撫高公高可
 其請遂實以土而築之首繕殿廡重立聖像以嚴
 報祀次及堂齋禮延師儒以勤講議高廣門牆之
 制重開出入之門以至廚庫倉廩之類為屋以楹
 計者五十有奇規模氣象煥然一新前此未之見
 也越正德丁卯尚生堂果登鄉薦公進諸生而告
 之曰興廢舉墜以建廟學此吾之責少塞矣讀書
 明道日新厥德圖維厥成士之學豈有既乎盍益
 加淬厲以期遠大若尚生者不徒為鄉邦光而吾

亦與有榮焉公之用心其密如此暨明年戊辰春
 正月教諭道君泰訓導劉君騰程君阜具其巔末
 屬予記予於孔氏為通家於公之為政亦嘗聞其
 槩矣今觀諸君之請則知昔之所聞乃不誣也雖
 然公之用心豈直為觀美之具而已哉實欲諸子
 奮激遠取諸孔曾顏孟近證諸周程張朱自厲以
 學相高以文躡巍科登廡仕使簪纓日盛為四方
 榮觀則公之心始慰而今日之舉斯為稱矣否則
 大厦連雲無補也從事於斯庠者尚冀相與勉旃
 邑人王良貴撰重修儒學記今夫環海內皆有
 學學也者所以育才而尊孔氏之道也是故有廟
 有廡以妥神有堂有齋以造士有門陞以著尊嚴
 有宮牆以儼外望貴有以飭之而頽則廢矣貴有
 以崇之而玩則衰矣才矣育道奚尊耶甯津學宮
 之制舊矣其廟廡其堂齋其門陞宮牆固存也而
 歲久易湮胥幾乎頽且廢也已愛才重道者誰不
 思所以崇之顧忍其頽且廢而衰之耶然工興則
 民勞用侈則財費吾見事之難舉而崇之飭之無
 弗易也然神妙不測者聖道感孚之機也合一無
 間者人心同然之理也縣尹姚君良卿來蒞茲土

目觀學制之湮而思以崇之飭之乃慮夫民勞而財侈也意固難之邑人士魏爵等得尹之意翕然向風樂於捐貲計所輸無論多寡約之足裕學工之費於乎縣尹奚由而舉之人士奚由而從之人心之感孚乎聖道無彼此也彼財不需於官而用足果民之役使待宜未見其病於勞也繼而姚尹以憂歸署事則河間李丞口春也謂盛舉弗可以中輟乃迹其事達之太府平舉朱公公賢之而樂從且促其事勿怠勿緩而專委口督之則縣幕方子明也幕承其事夙夜躬督之罔敢怠緩且民力之用盡心以調停之卒之役民而民不知有役也甫兩閱月而工就完其廟廡其堂齋其門陞宮牆咸煥然一新於是乎育才有地而尊崇夫子之道至矣茲事也太府平舉朱公責成於上而仰賴以有成功宜首頌口倡之者則姚尹繼厥事者李丞而終其役實縣幕方子明也成與有功焉宜記之諸士人之樂義者當刻諸碑陰以示遠隆慶元年賜進士及第總督察院王永吉撰重修儒學記古者井天下之田而黨庠術序國學之法立乎其鄉射飲酒春秋合樂養老勞農考藝選言受成

訊馘獻囚之事無不出於學故學者政之所繇以出化之所繇以行俗之所繇以美材之所繇以成三代盛時師儒之功磨揉遷革馴擾服習至於可殺而不可使為亂以其扶翼人心有所具也漢唐而後意浸亡其入九有宋建廟與學程朱輩出斯文復興國朝因之非徒釋奠釋菜儀焉而已太史公曰適魯觀孔子廟堂車服禮器諸生以時習禮其家蓋低徊留之不能去云雖然鄙儒以為祠祀而已誦讀而已今天子壽考作人在彼不在此惟良有司得其意而申之合文與行興起人心燕僻之廢庶有瘳乎今河間為大雅獻王故地甯其附邑也士敦民慈素慎刑而口易治庚辛之際歲薦饑人相食天子乃命史侯來宰斯邑乃侯下車與民休息獨學宮頽垣茂草百年因陋雖行道傷嗟議者日不暇給史侯曰雖然奉聖人之主蕪茨不塗丹雘不施風雨不蔽陋至此乎長吏何事於是檄諸生鳩工庇材審曲面勢乃盡捐祿人不事頭會多士好義如張生五紀傅生性一王生豈苑生附鳳等輩及其鄉之仕於朝者符君守道關君德懋劉君經理等又樂得而助之董其事者又學博

宣鎮李君維棟長者也無勞民無溢費閱數月工竣諸生乃得以時習禮其堂余以督師假道臨津顧瞻廟廡翼然輪奐美哉訊得所自乃進諸生而勸之崇禎十七年邑令甘國圖撰重修文廟碑記學校莫隆於三代璧雍之創建尙矣外是則黨庠術序皆所以厚風俗而昭親遜制甚鉅也迨後世雖治不古若而學校尙仍其舊顧所謂執醬執爵使民知有養講藝陳經使民知有教三物六行之誘掖獎勸使民知型仁而講讓無有過時所恃以維持名教激勸人心者惟此先聖先賢宮牆之輪奐明倫堂規模之正大與諸名宦之生而有功德於民鄉先生之歿而可祭於社者祀典之旁羅猶足使有志之士觀感興起焉耳使視其朽頽荒蕪若唐肆之不足介意其不至使古學校之設盡歸漸滅幾何矣噫是誰之咎也况今聖天子崇儒重道御極之初首念至聖先師實爲百王之模範特隆五代之追封又以臨雍釋奠爲文治所宜先旨成均而虔修祀典復允儒臣之請俾直隸子衿皆肄業黌序以時考課猗歟休哉禮教之隆

直與古先哲后輝映千古矣爲臣下者可不恪遵德意於治化所從出之地亟加經理哉甯邑學宮歲久失修余蒞蒞任時卽有志斯舉嗣因奉差進藏回署後百孔口口未及大興工作而此心耿耿未嘗一日或忘爰于癸卯冬謀之同城文武諸君莫不忻然踴躍謂是役之不可不亟也余迺捐貲庇材擇吉從事舉學中之一切頽廢者皆次第修舉雖于舊制無所增而綢繆補葺視向之不蔽風雨者今則煥然一新矣是役也經始於甲辰仲春之二日至八月望日而落成諸君皆以廟貌重新大足以厚風俗而昭親遜俾民德之幾於古可拭目俟也因舉厥功而歸諸余余曰微諸君之贊襄及諸生輩之奔走宣口不及此且余未吏下材又何敢妄希古治聊藉以宣我皇上德意俾都人士於仰止之餘交相勸勉云爾是爲記雍正二年宗憲皇御極之元年特旨追封孔子先世五代王爵曰昭聖曰裕聖曰詣聖曰昌聖曰啓聖而改舊祠啓聖之名曰崇聖詣聖曰昌聖曰啓聖而改舊興學致治之中寓報本追遠之意自古崇祀之典

未有若是之盛者也甯津縣學啓聖祠舊志在戟門之左今在學之東北隅雖遵制奉祀五代而斗室三楹勝額不具幾不知有崇聖祠也且殿廡堂齋俱已滲漏門牆階級無一完好神座無龕裸獻無爵櫺星無門下馬無碑一切因陋就簡無以稱 朝廷重道崇儒敬教勸學之至意鏞自丙午仲夏承乏斯土展謁之下惕焉難安屢延紳士議修僉以費鉅難集鏞夙夜籌度倡捐敦勸戊申之春乃克經始典商李元泰司其出入屬邑紳李君琮張君見龍董其役議於西北隙地別建明倫堂而卽殿後舊有之堂基改建崇聖祠以符體制是年秋新構明倫堂三楹堂右齋舍三楹重修東西廡十四楹三者告成祠未及建而經費已罄矣明年春夏籌費未及而余奉檄量移臨榆得代晉省竊歎然於斯役之不克終也庚戌春復莅斯邑亟亟興舉終苦貲絀因卷查前任捐設義學餘有邑紳榮兆熊捐款三百金可以動撥乃復鳩工庇材次第營繕先建崇聖祠急所未備也由是而大成殿而魁宿閣而戟門而櫺星門而宮牆而宰牲所而下馬碑闕者補之陋者易之頽者撤而改造之

殿廡堂齋門牆階級一新几筵祭器以漸增置計自額黝亞丹漆煥然一新几筵祭器以漸增置計自戊申迄今凡爲工七千七百九十有奇費制錢三千四百九十緡有奇朝夕講求不憚煩瑣積寸累以迄於成嗚呼艱哉夫子之道天下學道者心所嚮往也崇聖之祀 聖天子以顯揚之道勵天下學者求道之心也秉彝之好人所同具宜若不待敝而修修之宜若無難乃敝也如此修之難又如如此可見達道之行安利者鮮而勉強者多也董子曰事在勉強而已勉強學問則聞見博而

知益明勉強行道則德起而大有功此皆可使環至而立有效者也鏞不敏四載於茲無所建樹區區修補亦以勉強而成且不敢於茲無所建樹區區竊願以勉強而行者爲邑人士堅其嚮道之心策其求道之力士之志道者衆民之向化者日益涪庶幾代有間人出佐 聖天子文明之化爲故里宮牆生色將見垣墉丹雘日新又新夫何有久而或敝敝而不修之慮也哉故書其修建之本末於碑書其輪助之姓氏於碑陰爲志

道者勛爲好義者勸焉道光三十年

明倫堂 舊在大成殿東景泰三年邑令謝聰改建殿

後五楹存心齋養性齋在兩序各三楹有記天順七

年主簿王儼宏治七年邑令王輔均重修久圯今

正堂三楹在大殿西迤北右祭器庫三楹前為儀門

道光三十年邑令蔣大鏞改建

學士劉定之撰改建明倫堂兩齋記天朝更化以來崇儒重道建學立師內設國子監外立府州縣學樂育英才以圖至治故學之立必擇剛燥向陽之地以大成殿處其中而掖以兩廡以明倫堂建其後而夾以兩齋門庭藩於前庖廩生徒之舍翊於左右此一代制作之宏規也甯邑為河間首邑沃壤平疇風俗淳厚獨學校之設布置未合於制正統戊辰冬文兄李君琦承命典是庠教始至見其堂在殿之東瞿然不自安敬以其制訪之當路率因循不能正者久之今蓮幕夏君常州無錫人

也以練達之長才諳經世之大典願是君言將鳩材木而新之意既決適汝之光山謝公聰來宰是邑下車之初君首達其意即躍然善其謀二尹劉君昱黃君裳判口張君綸議亦允合遂改堂於大成殿後遵定制也并東西兩齋燦然一新八月且將行釋菜禮公緘書至京師徵予記之予惟古之王者建國君民教學為先故學校者守令之先務也此在口口者視為尋常事求如謝公輩之用心者幾人哉善乎樂育英才而為聖天子圖治口口口口羣公用心勤矣其為國亦忠矣甯津土其皆當體聖朝作養之恩副羣公期望之意薰陶德行淬厲學業鏖戰棘闈登名天府堯舜其君堯舜其民則又豈不為斯堂之幸哉

文昌閣 在戟門外東偏別詳祀典

魁星閣 在學宮南別詳祀典

敬一亭 舊在明倫堂後嘉靖十三年邑令鄭用時建

立石於中刻 御製箴註七通齋祭所三楹在
亭西今俱廢養賢倉射圃亦廢

名宦祠 在學宮西三間前有門庭祀古今二十二

舊祠在戟門左光緒十三年邑令王廷鈺移建於此

宋

臨津縣令黃公懋

金

大理知法同知亳州防禦使前甯津縣令舒穆魯元毅

元

諸路新軍總管前甯津縣令李公世和

明
奉訓大夫都總管前甯津縣令李公仲傑
河間路都總管前甯津縣令李公進

甯津縣知縣陞大名同知朱公逢吉

甯津縣知縣謝公聰

甯津縣知縣孔公公華

甯津縣知縣劉公秉鑑

御史山東僉事前甯津縣知縣熊公爵

甯津縣知縣葉公紹先

甯津縣知縣高公儒

總管宣大軍務前甯津縣知縣方公逢時

甯津縣知縣馮公棟

甯津縣知縣黃公居敬

甯津縣知縣余公鏜

國朝

甯津縣知縣史公可大

甯津縣知縣陳公詞元

甯津縣知縣馬公長淑

甯津縣知縣徐公鳴燮

甯津縣知縣曹公瑾

甯津縣知縣董公瀾

鄉賢祠 在戟門右祀古今五人

明

大理府知府張公廉

成山衛教授郭公聰

霸州兵備副使王公良貴

國朝

石泉縣知縣蘇公騰鳳

江西景德鎮同知重宴鹿鳴吳公名鳳

忠義孝弟祠 在崇聖祠東三間祀古今二十人

明

王公通

劉公獻

潘公泰 以上孝弟

耿公思恭 義民

國朝

歲貢生宋公賓王 孝子

署南陵縣涇縣知縣劉公西園 以下忠義

鄖陽營游擊統帶神機營護軍張公鳳春

武舉張公玉魁

武舉于公化龍

武舉于公湘浦

布政司理問劉公津鏞

郎中周公瀚源

從九品周公壽三

從九品王公叢林

從九品崔公現琳

庠生崔公耀廷

庠生崔公漢街

庠生周公登瀛

庠生李公瞻淇

庠生劉公東魯

義勇祠

在城隍廟門內祀二十六人

此祠宜在學宮旁俟他日改建

國朝

太學生單鉅

蓋德香

陳扶魁

蓋廷語

孫尚金

時美含

曲長清

時身誠

張繼安

盛萬香

趙殿香

盛長福

滕保祥

盛長春

滕瑞祥

孫斐然

翟 戊

劉樂山

陳初禮

劉希有

陳福臻

王文亮

陳開嶺

劉孝宗

陳開喜

侯瀛奎

節孝祠 在名宦祠後三間前有門庭

舊在戟門右光緒十三年邑令

王廷鈺移建於此

歷代節孝之神位

其請旌入祠者已詳載列女傳

學額 學田附

文童額進十八名

廩生額二十名

增生額二十名

貢生二年取一人

武童額進十五名

學田 附

學田舊志共地六頃五十五畝五分零租銀二十兩有奇萬曆元年邑令黃居敬置有記其地多湮

續通鑑宋真宗乾興元年十一月給兗州學田十

頃從國子監孫奭上言也而州縣之均置學田實

始於此按真宗於二月已崩此實仁宗諭旨明年改元乃奉行耳元明以來章

程益備其學田租入除春秋釋奠外悉以與寒賤

作饋貧之糧亦可謂誼美恩明矣所慮法久弊生

有名無情耳

邑人王良貴撰新置學田記甯津舊無學田學田
置自邑侯黃公始公之蒞任於茲三年矣平易以
近民惇大以立政不務表表之行以崇樸也不慕
赫赫之名以尚誠也卒之而政成焉而民安焉上
信而下孚為邑有成績矣然政理之紀作人為要
是故闡先覺而示之的盡啟迪以開其蒙公之作
人人士信其有與矣然而仁人之心有隱憂焉匹
夫匹婦不獲其所憐獨鰥寡顛連而無告者悉皆
思以處之矣若君子學以致道貴專也故農工商
賈之業士罔通焉士之貧者十且八九有田矣夫

志士固窮其視此為常安之而甘心者恆多也乃
若禮有所宜盡事有所必舉顧或冠焉不能知其
禮婚焉不克及其時喪焉不克襄其事祭焉無以
報其本困窮悲苦視凡民中匹夫匹婦之不獲憐
獨鰥寡顛連而無告者尤甚也有作人之責其尚
忍於斯乎且不克自贖而欲責之肄業進學焉亦
難矣公有見於此而憂之學田之所由置也先以
屯田御史公慮田多荒蕪民多逃移行令有司開
墾而招徠之括地利也公查得本縣原無屯種亦
鮮荒蕪止縣西北黃河一道鹽鹹沒官地約六百
餘畝已責令居民就便開種然田非額數惠可義
起公斷然以額外之田不必增而義起之惠為可
行遂擬其田為學田而請之當道當道是之卒如
公請而甯津始有學田矣田所入每歲徵銀二十
兩有奇歲積之將不日盈乎蓋源開而出有自流
積而費不竭吾見貧寒之士冠者婚者喪者祭者
不克自舉者胥此以有濟矣且捐已物以利人者
其愛狹立定制以濟物者其澤遠士賴茲田甯一
時已乎公之厚土蓋世之仁也夫業以鮮藉而罔
精學以有累而多廢士不至困窮悲苦則其為善

也必輕而上之人作之也益易甯之士人自茲肄業視昔有加公之惠茲多士即詩稱作人之化曷尚已然猶慮田歲久易湮欲立石以記之而屬余為言邑致仕孟氏希道感其事特為輪石焉余謂茲石之立田制可考而不廢矣公之德將不與斯世垂永遠哉

今存學田共計壹頃捌拾貳畝零陸釐捌毫壹絲陸忽

捌微

東鄉學田

魏莊東北東西地長闊壹百柒拾陸步計地柒畝

又莊北南北地長闊陸拾肆步壹尺計地壹畝玖

分柒釐肆毫叁絲肆忽捌微 又莊東南北地長闊

叁拾步橫闊肆步計地伍分

韓莊西南北地長闊壹百貳拾貳步叁尺伍寸計地肆

拾捌畝伍分肆釐捌毫肆絲貳忽肆微

南鄉學田

盧莊西南南北地長闊柒拾伍步橫闊叁拾叁步零陸寸計地拾畝零

叁分伍釐玖毫叁絲柒忽 又莊西北南北地長闊

壹百壹拾步零叁尺北橫闊伍拾陸步

零貳尺玖寸南橫闊伍拾步零貳尺 計地貳拾

肆畝伍分捌釐玖毫叁絲肆忽貳微 又相莊西

南南北地長闊貳拾玖步橫闊拾伍步零叁寸柒分計地壹畝捌分貳

西鄉學田

甯津縣志

卷四

學校志

學田

七

宗莊西河東東西地 長闊肆拾叁步叁尺西橫闊柒步叁尺東橫闊叁步貳尺伍寸

此地在河內又河西南北地 長闊肆拾貳步南橫闊叁拾捌步北橫闊

叁拾柒步叁尺此兩段共計地柒畝陸分陸釐肆毫玖絲

貳忽壹微

披戶李莊西北南北地 長闊壹百伍拾壹步零叁寸南橫闊貳拾壹步貳尺玖寸

北橫闊貳拾壹步計地拾叁畝伍分零柒毫叁絲叁忽

又南邊東西地 長闊壹百零玖步零捌寸東橫闊叁拾壹步貳尺西橫闊貳拾玖步

叁計地拾叁畝玖分叁釐肆毫叁絲柒忽伍微

又北邊南北地 長闊貳百伍拾肆步南橫闊肆步叁尺肆步貳尺北橫闊陸步叁尺計地

伍畝玖分伍釐叁毫零壹絲貳忽伍微

郭莊前南北地 長闊叁拾壹步南橫闊玖步貳尺北橫闊玖步貳尺計地壹畝

貳分貳釐柒毫零叁忽叁微 又莊西南南北地

東長闊陸拾陸步壹尺西長闊捌拾柒步貳尺南橫闊肆拾柒步叁尺北橫闊肆拾柒步叁尺計

地拾伍畝叁分壹厘玖毫柒絲玖忽壹微

北鄉學田

劉家營伍莊北東西地 南長闊壹百壹拾貳步北長闊壹百零柒步貳尺東橫闊叁拾

叁拾步零貳尺西橫闊叁拾步中橫闊叁拾壹步叁尺計地拾肆畝零陸釐

壹毫柒絲壹忽捌微 又莊北東西地 南長闊玖拾柒步北

長闊玖拾伍步東橫闊叁拾壹步貳尺伍寸計地拾叁畝陸

分貳釐伍毫 又莊西南北地 東長闊壹百壹拾陸步貳尺西長闊

壹百壹拾陸步貳尺南橫闊叁步計地壹畝捌分
叁尺貳寸北橫闊叁步叁尺五寸計地壹畝捌分
陸釐貳毫柒絲捌忽陸微 又莊東南北地東長闊柒
拾捌步壹尺伍寸西長闊柒拾陸步壹尺伍寸南
橫闊貳拾叁步叁尺伍寸北橫闊貳拾肆步壹尺
伍寸計地柒畝柒分柒釐柒毫柒絲玖忽玖微

書院

臨津書院堂房間數

書院在城中心閣東路南光緒九年創建有記大門
北向額曰臨津書院門內迤東門房四間南爲二門
門內東西廂房各三間南有過廳三間爲講堂額曰
博雅堂堂南東西廂房各三間又南爲月門門南東
西廂房各三間南大廳三間大廳南東西馬棚各四
間門房二間向東過車門一座大門西北房四間有
門北向西房三間南房三間又南爲公所角門東向
北房三間西房三間茶房一間南房三間又南院北

房三間西房二間南房三間角門東向門東為南北甬路北有月門

邑人吳潯源撰修臨津書院記甯津治河間之異隅屬兗州域與齊魯近故敦崇儒術習俗易為也漢興分渤海東光縣地置胡蘇亭雖沿秦制實為斯邑所肇基至文帝二年別立河間國而獻王乃承嬴燼之餘獨能愛鑑古人購求經籍築君子館二十餘區以待學士此實為後世書院之權輿及唐天寶間遂仿而置麗正書院矣而吾縣之改為臨津亦即於天寶初年始迨乎有宋名賢踵起講學朋興於是北有嵩陽睢陽南有白鹿嶽麓號稱天下四大書院固一時運會之隆殆亦聞獻王君子之風歟然河間自遼金以來迄於明季迭遭兵燹遷徙流離故書院多闕今者幸際昇平人知誦讀唯是臨津百里之內鄉塾無數而邑試且架席為棚遑計書院光緒之內鄉塾無數而邑試且架始籌租地三十餘畝為書院計邑人龐公際雲復捐千金為倡未幾李公遷擢去繼任張公瑛又接

勸捐闔邑京錢九千七百餘緡未幾亦解任去繼任邱公濬恪乃更陸續勸捐兼入罰鍰遂卜基揆日於八年五月開工未幾又去繼任查公宗仁下車後見工用未敷特自捐廉百金為助邑董復解橐贊成乃於九年八月告竣共計用京錢一萬四千有奇又存銀千四百兩京錢五千貫發質庫生息取其贏羨為延聘院長及諸生膏火之資又儲其地租所入作歲修之費而規畫以定然後綽楔雲啟步擱隱規飛畫連籜縉綾鱗次馬牙芻廩舂而旁羅於以闡發幽蘭開瑩荆玉固將有厚望焉夫邑九河遺壤其地皆廣隰平原無高山大川之險阻其人亦樸愿質直無恢奇詭異之云為進而教之不難率循也顧經濟雖本於詩書而文藝必先以器識所願守獻王之教澤數典無忘希君子之高蹤顧名思義彼有以譎觚非常詭矐世俗者縱瓌璋連玗其知辭而闕之矣於是述其創建之遜既已申詳在案因以勸學之意並為昭勒於碑我臨津人士其從此益加勉矣乎是為記

書院存款

協慶當舖存京錢伍千串齊年壹分行息又存銀貳仟肆百

兩按月壹分行息

鈺昌茂鹽店存銀貳仟兩按月壹分行息

買地肆畝貳分餘此項作看院門子之費

罰歸書院地貳拾捌畝餘聽原業主回贖租價錢壹百零貳

千文

書院存書目錄

局御纂七經

局皇清經解

局十三經註疏

局經典釋文

石印經籍纂詁

木板四書經註集證

木板朱子滙參

局板段氏說文解字

局板說文通檢

局板說文通訓定聲

木板漢學師承記

鉛板二十四史

石印資治通鑑

歷代帝王年表

局板國語國策

木板漢魏叢書

小學集註

性理精義

局板近思錄

局板朱子全書

木板朱子名臣言行錄

石印明季稗史十六種

木板困學紀聞

石印史姓韻編

石印佩文韻府

木板顧氏音學五書

石印 文獻通考

局板 二十二子

局板 子史精華

局板 漢魏六朝百三家集

石印 九朝東華錄

局板 皇朝一統輿圖

武英殿聚珍板叢書

局板 畿輔河道水利叢書

畿輔通志

石印 海國圖志

局板 海道圖說

局板 讀史兵略

木板 李申耆五種

石印 四庫全書目錄提要

石印 練兵實紀

讀書雜誌

木板 吾學錄

木板 曾文正公全集

局板 陸宣公奏議

木板 林文忠公全集

木板 左文襄公奏議

木板 姚選古文辭類纂

木板 胡文忠公全集

木板 王選古文辭類纂

局板 黎選古文辭類纂

石印 皇朝經世正續文編

木板 國朝先正事略

木板 硃墨本四六法海

局板 文選

木板 文心雕龍

木板 國朝駢體正宗

局板 朱氏詞綜

局板 唐宋詩醇

局板 四元玉鑑細草

局板 算學啟蒙述義

石印 白芙堂算書

局板 九數通考

局板 新譯幾何原本

局板 代數術

石印 學算筆談

石紀效新書

書院章程八條

一院長由紳士公議稟明本縣核定延請學隆望重之師主講院中以資訓迪而示景從不得以乾脩勢利不到館者塞責

一每年二月初二日甄別生童一次取定肄業生五十名童八十名以後按課升降生超等六名特等八名膏獎有差壹等三十六名只前十二名給膏火以外不給童上取六名中取八名膏獎亦各有差餘歸次取亦只前十二名有膏火院長望課膏獎與正課同

其有事故甄別未到願附課者准其歸入附課俟有勦襲舊文及雷同不完卷與文理悖謬並無故三課不到又三次均在壹等次取二十名以後者扣除以附課之屢試前列者補入以示勸懲

一肄業生童必敦崇品行設有不孝不友及唆訟抗糧並在院煙賭荒戲等弊一經查出卽許公稟扣除諸生皆當恥與爲伍以昭炯鑒

一生童赴院考課每值課期於平明各具衣冠如二月甄別必須先謁縣官及院長行禮設新官到任院長到院初次考課卽非二月亦必先行拜謁然後挨次

聽點書院備設茶水日夕爲止如有攜卷外出及昏黑不交卷者分別扣斥

一生童膏火由值年紳董經手分發務期實惠士林並院長脩儀齋長薪水一切卷費雜用並禮房紙筆之費悉由存款息金地租項下酌量支撥不許動用成本息金如有餘項仍必附益成本以圖永久至租貲賬目凡有支用必由經理書院人設立一樣支用簿二本一存縣署一存紳董一式填寫送縣標出加戳支用年終造冊列銷送縣查核並開列清單粘院壁以示眾

一書院存書設齋長一人經管年終予辛貲壹百肆拾

肆千俾得常住書院以專責成以歲考列第一者爲

之

設有鎬替倖取者不准冒充

如第一有故不就則以第二第三

代之三年一易凡生童借閱書籍限一月交還其於借時之檢取還時之收皮務當隨時登記仔細檢點不得任意延忽設或殘缺散佚必須根追賠補庶可歷久無失

一每遇鄉試之年凡在院肄業生員卽於六月官齋兩課作三文一詩藉以決科並提七八兩月膏火分別加獎以示鼓勵而助寒素

一鹽當存款悉於光緒二十二年由邑令楊善慶稟申
在案如有換號之時列為交代以垂永久

一書院棹凳及一切器具什物概不准外間借用如有
散失由值年紳董向看院門子根追賠補以杜流弊

考棚

考棚在書院東偏光緒二十二年創建有記大門南
向與照壁相對額曰考院門內右碑亭左點名廳北
為二門門內東西瓦厦各九楹每楹三號又北為大
堂三楹堂旁掖號各二楹堂後官廳四間東旁北房
四間西旁北房三間西為便門迤西與書院大門相
通

邑人吳溥源撰修考棚記自古錫爵分藩之典恆
在聲名文物之邦况啟宇瀛東夙聞禮樂畫疆濟
北久沐儒風乎甯津在漢時為臨樂侯國至前明
又以甯津封諸王此固秘書置館之區內史陳謨
之地宜有尺階可借廣厦庇寒而顧多所闕狀何
也其始在隋仁壽元年詔廢太學及州縣學河間

劉炫切諫不聽而學校遂為墟其近則前明張居正惡人講學於萬曆七年毀首善書院並詔毀天下講學書院而畿輔書院於是盡廢加以亂離傾圮兵燹焚燒故多闕也今者甯邑書院已於光緒九年葺修矣而考解猶未建焉夫編排無號雖溫公不辨固毡之文風曷無檐即清獻難定鞞纒之卷至乙未二十一年邑令趙公察知現有地基特未營造而每試猶架席為棚非所以肅功令始商之神董先倡捐銀二百兩四鄉皆各籌捐於是度其方位構材鳩工事未及半而交卸去繼任楊公下車即以振育人材為務慮其中止復倡籌捐銀四百餘兩而城鄉紳富以次捐輸通計捐銀五千二百餘兩然後審曲面勢踵事增華圻者操鏹梓人引削上橫竿筵下平巒自堂徂基悉舉以法越十有七月告成邑試將有期矣覺向之紛持几登而躡進者今且若釋負而整以暇也向之風雨飄搖而卑暗者今且高明而無不覆也是誰之力歟非我賢侯之賜歟眾皆喜曰然余因諗於眾曰凡事創始固難而守成亦良不易今試據一邑之勝概發思古之幽情相與升高而望遠其東非樂

陵侯之所封乎其西則東光侯之賜履也若南則德侯重平侯皆鄰交而北又南皮侯所食采也迹其封建之初豈不烜赫哉乃今欲求其宮闕遺址竟茫然無有知者徒見荒煙蔓草滿目淒迷反不如數楹考舍聚試經生猶歷千載而更新也人顧可不勉學以求自試歟所願以鄉先生劉炫相規而以張居正為鑑俾知考其文藝猶後而自考其德業為先庶可出而一試耳眾皆稱曰善屬為秉筆而記之遂記而勒之於石

社學 義學附

社學明洪武八年奉文設每五十家爲一所延有學行
秀才訓軍民子弟已而止令有德之人各隨所在以
正月間開學冬終而止仍禁有司干預攪擾正統天
順間申明興舉成化以後每里各設一教讀由是人
樂詩書向學者眾府志嘉靖十六年知縣葉紹先嘉意
修復後多廢缺萬曆十六年知縣余鏗復設在城四
處四鄉二十四處皆擇立教讀復其身以教民之子
弟舊志今民間各知延師讀書而社學遂裁省矣

義學 附

義學一在城內一在柴胡店一在長象牙

象牙字誤一乃相衙鎮一

在小店一在大柳店俱雍正二年建久廢

通志

城西南蒙家窪義學一所道光二十四年縣令于志瀛立坐落東街着於每年四月官收會稅內除出京錢壹百千交首事存放以為下年之先生東脯立有碑以誌其緣起並誌其章程今但存房舍而已

城內保仁義學一所光緒八年天河道額裕如設生徒以二十人為率每年由道庫發交津錢貳百貳拾千作延師脩膳由縣分季請領然借用學舍尚未建塾城東楊盤鎮義學一所光緒八年縣令查宗仁立學生


八人每年由縣撥官地租錢捌拾肆千作延師之費

城南小店鎮義學一所光緒二十二年縣令楊善慶立學生八人由縣撥官地租錢陸拾千並由書院轉撥錢貳拾肆千以作延師之費

城西北裕禔片楊家義學一所光緒十一年楊姓合族立塾在其家祠院內延師費用由祭田租內動支

畝數

租價祠內有碑記



甯津縣志卷五

光緒二十六年重修

經政志

昔哀公問政子陳九經而九經以修身爲綱修身以齊明爲首此祀典之所以宜先也繼曰非禮不動則禮儀亦所宜先也又如經中之重祿旣稟則倉儲宜次焉又如經中之時使薄斂繼絕舉廢則郵政又宜次焉然送往迎來厚往薄來邦交能弗聯乎故郵政又次之至於柔遠人懷諸侯而慮及於治亂持危則信乎兵防終不可廢矣志經政

祀典

社稷壇 在城北門外迤東

春秋仲月上戊日祭

會典壇制東西二丈五尺南北如之高三尺俱用營造尺

一成四出陛各三級繚以周垣四門朱色自北門入

壇南正中立石主一長二尺五寸方一尺去壇二尺

五寸露圓頂餘埋土中壇西北隅設瘞坎一成發砌

東向寬四尺深三尺西面作踏道上下今僅存地基

謹按會典社稷壇為大祀每歲春秋二仲月上戊日設主於壇州縣皆正官將事以各學教官糾儀生員充禮生承祭官行三跪九叩禮蓋社稷之祀自周禮大司徒禮記祭法已備載之後世或合或分如通考漢高祖二年命縣為公社十年復以二月及臘祀稷即至明洪武元年頒壇制於天下郡

邑亦設於本城西北右社左稷仍分祀也至十一年始定社稷同壇合祭後遂如制風俗通以勾龍為社神以柱暨棄為稷神皆本左傳其祭則以癸未日祠稷於西南而論衡祀義則曰社稷報生穀物之功者萬民生於天地猶毫毛生於體也祭天地即社稷在其中矣人君重之故復別祭耳

風雲雷雨山川壇 在城南門裏迤東

祭期與社稷壇同

壇制東西二丈五尺南北如之高三尺一成四出陛

各三級繚以周垣四門朱色自南門入壇北正中立

石主一去壇二尺五寸露圓頂餘埋土中壇東南隅

設燎鑪一座發砌西向今僅存地基

大清會典風雲雷雨山川壇為中祀凡直省府州縣各設神祇壇中設雲雨風雷之位左設本境山

川之位右設本境城隍之位歲以春秋仲月諏日
致祭按周禮大宗伯祇載觀師而無雲雷自
唐天寶五載始增祀雷師且祭風師雨師不同時
據開成石經御制月令於孟春之月祭風師
孟夏之月祭雨師而當時雷師即與雨師同壇致
祭至明太祖洪武初更增祀雲雷師乃用柏升煙以
象之遂敕國府州縣皆祀風雲雷雨師始合為一
壇而共祭又以山川之神未有專祀禮官集議與
城隍合為一壇後遂併附于風雲雷雨而與社稷
壇同日致祭以風霆流行駭為神異或傳其姓字
遠道行又俗以風霆流駭為神異或傳其姓字
道經曰雷公江赫冲電母秀文英風伯方道彰雨
師陳華夫所記姓名殊覺荒渺薦紳先生難言之
再按應劭風俗通祀典篇以戌之神為風伯故以
丙戌日祀於西北火勝金為木相也丑之神為
雨師故以己丑日祀雨師於東北土勝水為火相
也其木相火相之說當為唐正月祭風四月祭雨
之所本其用丙戌己丑亦不如同用上戌為畫一
也

先農壇 在城東門外迤南

仲春亥日祭

壇制東西二丈一尺南北如之高二尺一寸一成四

出陛各三級繚以周垣三門朱色自南門入壇北建

正房三間 中奉神位東貯祭器 東西配房各一間 東

祭品西住 壇東西隅設瘞坎一成西向寬四尺深三

尺東面作踏道上下今僅存地基

大清會典直省府廳州縣歲以仲春吉亥行耕藉禮

各於治所東郊擇潔淨豐腴之地四畝九分取七

七少陽之數中建先農壇朝服行禮禮成更采

服率屬行耕藉禮按月令祈穀乃擇元辰漢制藉

田乃用乙日亦義各有祈取也若其耕藉之儀州

縣則正印官秉耒佐貳執青箱播種行耕時用耆

老一人牽牛農夫二人扶犁九推九返農夫終畝
耕畢各官率耆老農夫望
闕三跪九叩頭農具俱用赤色牛用黑色箱用青色所
盛籽種照各處土宜

厲壇 在城北門外

清明七月十五十月朔日祭

會典厲壇為羣祀每歲清明日中元日十月朔日
祭無祀鬼神於本城之北郊府州稱郡厲縣稱邑
厲祭時城隍神位居中而無祀鬼神東西各一案
部頒祝文有云號風嘯雨斷子姓而疇依附草棲
煙絕姻親其何託謹設壇於城北仰主祭於尊神
云云其城隍神及無祀鬼神皆祭以少牢按厲祭
載於禮記祭法而代有異制宋則惟秋一祭明則
清明及十月朔兩祭本朝則清明中元十月朔
三祭也誠念若敖有其餒之悲良夫有無辜之叫
伯有見夢竟使鄭人皆驚介推既焚空令上黨寒
食子產曰鬼有所歸乃不為厲其知之矣

鄉厲附志 鄉厲即儺祭論語鄉人儺是也禮祭
每歲三儺一季春命國儺一仲秋天子乃儺一季
冬命有司大儺鄭注以冬春二季之儺為儺陰氣
以仲秋之儺為儺陽氣然古者春儺惟國家為之
秋儺惟天子為之至冬儺乃下及庶人耳今則於
清明中元十月朔與邑厲壇同日舉行所以視民
如傷惟恐天
札意至深矣

文廟 在縣治南迤東

春秋仲月上丁日祭 餘載學校

文昌閣 在文廟戟門外東南隅 文昌祠舊在東門內迤北道光八年邑令

楊德三邑人張瑜創建光緒十四年邑令
王廷鈺移建閣於文廟戟門外東南隅

春秋仲月祭又二月三日加祭一次

閣制四角三層門南嚮階十餘級四周雕木為欄右

臨泮池

文昌五代祠在文昌閣後

此外文昌閣一在西門外迤北一在大柳鎮東南

隅三官廟一在陽盤鎮

會典文昌本列於羣祀咸豐六年升為中祀春秋
 文曜鉤日斗魁戴匡六星曰文昌宮為六府史記
 文昌六星原將相祿命兼權不盡主文而今則以
 梓潼神為文昌嘗考文昌諸篇無有怪異如化書
 者當置不論即續通考載梓潼神張亞子任晉戰
 刃立廟唐僖宗入蜀封順濟王宋咸平中助官軍
 平寇亂改封英顯王亦與文昌二字無涉即明史
 禮志載宏治元年周洪謨所奏及嘉靖中倪文毅
 所奏皆以梓潼與文昌無干為詞而後世顧云爾
 據宋葉石林崖下放言記蜀有二舉人行至劍門
 張亞子廟夜宿各夢諸神預作來年狀元賦甚靈
 異高文虎蓼花洲閒錄亦載此事斯則以梓潼神
 之顯靈於科目而因以主文昌也故元時徑以文
 昌帝君封之前明又以文昌額其宮至今遂以文

昌為梓潼封號而

並以天星歸之矣

甯津縣教諭楊璞撰創建文昌祠記自古設科取
 士期得經明行修者以贊襄治理而又藉神靈之
 赫濯作其主宰此文昌之所出列於祀典也謹案
 天官書云斗魁戴匡六星是曰文昌而世言產於
 西潼敦孝友著忠績司文運之樞紐為文材之權
 衡威靈丕顯故近日功令以懿號尊爵追崇其
 三代煌煌乎褒揚之鉅典邁往古而特隆焉甯邑
 舊無文昌廟相傳魁星樓在城上以傾圮不可復
 尋春秋時祀設帷他廟草草成禮蓋因陋就簡者
 久之歲乙酉西明董君瀾來蒞茲土慨然以興衰
 起廢為己任謂文昌之列於祀典禮至重也科第
 之發祥於是乎卜奈何廟貌弗具乎爰集邑紳謀
 所以創修者捐金輸材不心踴躍其營建也以國
 學生張瑜總其事閱丙戌之五月而魁樓成迄丁
 亥之七月而廟之前楹後殿門宇牆垣亦次第告
 成復樹木為十年計樹人為百年計今董君之為
 此舉也豈徒設土木壯觀瞻侈神道設教之文云
 爾哉其為邑之士觀斯廟者知神之所重者惟

陰陽則立品期於純粹無負先儒之訓也知神所
予者惟真材則為學須有根柢無貽薄植之誚也
師詔友勉爭自琢磨必有卓立特達之才蔚然而
起所以崇祀典者在此所以體國家廣學造士以
振興人材者亦即此
而在矣道光八年

關帝廟 在縣治東創建重修俱無考

春秋仲月上戊及五月十三日祭

廟制正殿三間南向前為山門繚以周垣前為照壁

殿後有 崇聖祠三間祀 聖帝三代

此外關帝廟一在西關外迤北一在長官鎮餘不

備載

按雍正三年 勅封聖帝三代公爵追崇
會祖光昭公位中 祖裕昌公位左 父成忠公

位右制造神牌供奉後殿五月致祭外定於春秋
二仲月上戊日一同致祭至咸豐六年追崇 光

昭公為光昭王 裕昌公為

會典關帝廟舊列羣祀咸豐四年升入中祀每歲
五月十三日及春秋仲月上戊日致祭嘗考

關帝之祭初若無聞而後則彌盛自宋以前未有
禮祀至徽宗始封為忠惠公大觀二年加封武安

王建炎二年加壯繆武安王道熙十四年加英濟
王元天歷元年加封顯靈威勇武安英濟王明洪

武中復侯原封萬歷二十二年因道士張通元之
請進爵為帝廟曰英烈四十二年因太監林朝請

又敕封三界伏魔大帝神威遠鎮天尊關聖帝君
封夫人為九靈懿德武肅英皇后子平為竭忠王

員為顯忠王周倉為威靈惠勇公賜以左丞相一
員為宋陸秀夫右丞相一員為張世傑其關帝本

職三界馘魔天帥則以宋岳飛代
本朝順治九年定封忠義神武關聖大帝斯為經制

魁星閣 在文廟前 舊在戟門外東南隅光緒十四年邑令王廷鈺移建於文廟前

閣制二層一間門北嚮閣上塑魁星像

公羊文十四年傳北斗有中何休註中者魁中又穀梁傳斗有環域也范甯集解入其魁中也史記魁戴匡六星為文昌宮蓋魁之為訓首也書曰渠魁曲禮曰不為魁猶首之訓為元故科試文人皆以魁星為吉兆也儼山外集曰天順癸未會試京邸戲為魁星圖貼於座右忽失去時陸鼎儀寓友人温氏出以為玩余驚問所從來云昨於門前見一兒持此紙以果易之予默以為吾二人得失之兆矣又夢珍廣記方林登第時前一夕夢一鬼戲一斗寤而思之鬼邊一斗是魁字果中魁而顧亭林日知錄云魁當為奎之譌奎為文章之府此乃為孝經援神契所誤不思奎主武庫兵象星經云奎十六星形如鞋底在紫微垣傳舍下為天子武庫並不在文昌宮前何以主文或以奎與壁近而壁主圖書因連稱曰奎壁又魁奎同音故致譌耳

城隍廟 在縣治東

創建無考正德丙寅年邑令孔公華嘉靖二十年邑令葉紹先重修

祭期與風雲雷雨厲壇同又有司朔望行香

廟制大殿南向三間正厦三間兩旁東西向各三間

為十二司前過廳三間東西並列兩門又前東西南

向各一間為義勇祠又前東西向鐘鼓樓各一間又

前為山門上為戲樓東西並列兩門大殿後為便殿

三間大殿東西隅各三間為禪房

城隍之名見易泰卦城復於隍而城隍之祭則禮郊特牲伊耆氏始為蜡天子大蜡入獨水庸為農事之備王敬哉冬夜箋記云水則隍也庸則城也以為祭城隍之始是三代前已有之然未竟稱為城隍也惟蕪湖城隍廟碑稱吳赤烏二年所建則漢魏時已稱城隍而祀之矣他若北史慕容儼鎮郢城而城隍神顯靈又或以人為城隍如南雍州記云南陽城蕭相國廟相傳謂為城隍神至於

城隍誕辰見夷堅志城隍夫人見聯車志後世皆仿而行之亦無從考察也甯津縣訓導程阜撰重修城隍廟記天子祭天地諸侯祭山川大夫祭五祀庶人祭其先是故以分而祭亦各以類而享也自唐虞以降莫不皆然城隍蓋以保民禁姦有功於人最多故其祠居他神祠之上至我朝太祖高皇帝龍飛淮甸混一區宇斟酌前代之禮制立為萬世之宏規以今之守合卽古之諸侯也山川乃其當祭之神遂列城隍於山川而並祭朔望則謁旱澇則禱自郡守以下蒞官之初則往祭其廟而與之誓焉其尊崇奉祀之禮視諸前代尤謹矣甯津縣治東百步許有城隍廟歷年既久剝落殘毀十已去其六七矣邑侯闕里孔公視之曰茲廟之建所以竭虔妥靈也今若是縱不能舍其舊而新是圖安可不興廢舉墜以盡吾之職乎乃特捐已俸並率佐市材鳩工于是人皆樂從之出而贊焉雕斲塗墍煥然一新開敞宏麗加于往昔上焉而有以爰神靈之棲止下焉而有以聳邑人之視瞻誠一邑之偉觀也人皆欣

然曰非吾孔侯之勤能若是耶父老礪石於廟謂予為文以垂不朽余惟天下之事由賢者而興愚者而廢廢而復興之可以無愧於前賢矣孔侯為人正大光明克紹先聲便民之政靡能具述今此之舉特其修理中之一事也若彼區區于簿書期會而無暇他及苟延歲月視為傳舍而漫無修舉者奚可同日語哉夫記賢大夫之切行考風俗之盛衰儒者職也遂言其實鑄之貞砥正德丁卯邑人滕汝撰重修城隍廟記夫城者隍土所築也程子曰掘隍土積累以成城如世道積累以成泰故城益高則隍益深皆所以衛民小康之道也而神口口之我太祖高皇帝定天下而禮樂興凡禮以事神者其制猶簡口於古而城隍之設遍寰宇祀典更詳備焉故主邑屬重珍氣為水旱也配享於山川社稷重祈報為民生也嚴於事神所以重於為民故其禮不得不隆其制不得不備其廟貌不得不崇吾邑城隍祠宇其創始無所於考正德丙寅邑侯孔公嘗因其舊而葺之奈閣歷星霜飄搖風雨而棟朽椽腐若將墜焉前歷幾人弗克加意嘉靖乙未西秦葉先生來宰茲土先生清修節

儉政無弗舉而尤嚴於事神至丁酉歲因禱雨獲
 應公思厥報見祠宇湫隘摧圯於是進鄉耆樂恭
 楊杲張庠滕金郭昂辛勤許口張資口達口魏衍
 張勳潘子清王現王璋辛讓而諭之曰幽明相為
 流通人神相為感應惟是甘澍神實惠焉而廟貌
 如是何以棲神是有司之責也爾等受神之澤亦
 甯無感於心乎爾其為我新之楊杲等曰民有此
 心久惟無倡借始從矣先生乃捐俸若干以風邑
 之士大夫眾樂趨事不日而工集越明年落成而
 先生已弗克見矣為門者凡幾為堂者凡幾為楹
 者凡幾綵以周垣丹堊炫赫巋然為一方之望而
 民之駿奔其中者無弗栗然起敬畏之念則是廟
 之建於事神之禮亦少盡焉而先生之心始慰於
 九泉之下矣邑尉解公率楊杲輩而請記於予予
 三辭弗獲因申言以發葉先生之德蓋神以司幽
 官以司明明以闡幽幽以贊明明相濟而不可相無
 理之所必至也然幽者恍惚難明人感而懼焉明
 者昭晰易見人狎而忽焉故治人以法或不足而
 罔人以怪則眾且駭而趨此釋老二教所以卒不
 廢於明時以其亦能勸誘愚人也而况福善禍淫

神必有報之徵耶且自先生下車以來善政是舉
 雖史傳所稱循良之吏又何以加焉而神之默相
 治理者為不誣矣獨惜先生未究厥用而中道天
 折愚民無以自解則追咎神之弗能佑助噫是孰
 知幽明之理一而已矣愚聞之生而正直者死必
 為神明幽明之中安知吾先生之弗為神耶况先
 生清明高義深仁厚德入於甯民之心與傳播於
 士大夫之口照曜史冊之記者為不少矣是先生
 雖死猶生也又何必以修短為得失耶又聞之愛
 人者及其屋烏而召公甘棠弗忍拜焉是廟之存
 君子之烏召公之棠也夫是廟者如睹先生焉先
 生為不亡矣凡成是役者其姓氏不悉具於其文
 因書之碑陰使後之觀者庶
 幾其有興焉耳嘉靖二十年

龍王廟 在城西門外迤南
光緒十四年邑令王廷鈺重修

祭期與社稷壇同

廟制正殿一間南向前為山門繚以周垣

此外龍王廟在龍潭村

左傳蔡墨曰古者畜龍故國有豢龍氏御龍氏其
 視龍如畜牧未嘗以為神也三代以降漸神其說
 昭公十九年龍鬪於洧淵鄭人請祭此乃祭龍之
 濫觴至漢延熹七年於元氏封龍山作頌龍之受
 封又明見此及唐天寶二年命祭龍池此後元明
 以至本朝遂封祭並行矣然明之封號有五則
 青赤黃白黑以色分也本朝封號凡四則東西
 南北海以方分也按田家歷以四月二十日為小
 分龍五月二十日為大分龍其占同若晴分懶龍
 主旱雨分健龍主水東南風分黑龍主旱下收正
 南風分赤龍主大旱西南風分黃龍主上下大熟
 西北風分白龍主大水東北風分青龍主小水有
 收

八蜡廟

在城南門外

道光五年邑令曹瑾重修有記

祭期與社稷壇同

廟制正殿三間南向向前為山門繚以周垣

八蜡名位議者紛如而今所稱為八神者其說實
 出蔡邕獨斷而鄭康成本之以註禮則先嗇一也
 司嗇二也農三也郵表畷四也貓虎五也坊六也
 水庸七也昆蟲八也然以經文釋之不能無疑經
 曰主先嗇而祭司嗇也祭百種以報嗇也是百種
 乃八蜡之第三位也由是而農第四郵表畷五貓
 虎六坊七水庸八經文明斷若此至於昆蟲乃在
 祝詞內而禱其毋作者也吾甚不解蔡鄭何以刪
 去正文而列第三之百種乃撥取祝詞中所務絕
 去之昆蟲攔入以補八數竟皆習而不察也又獨
 斷載八蜡祝詞曰土反其宅水歸其壑昆蟲毋作
 豐年若上歲取千句又其序八蜡位次乃云皆相
 而多豐年歲取二句又其序八蜡位次乃云皆相
 對向則以先嗇與司嗇相對而農與郵表畷相對
 次之貓虎與坊相對又次之至水庸與昆蟲則相
 對在下矣此其位次似較一字排列者猶為差等
 而有別今特遵禮經原列八神而用獨斷
 位相對向竊擬為圖以俟議禮者採擇

先嗇司嗇

口嗇
嗇嗇
嗇嗇
嗇嗇

劉猛將軍

附入蜡廟祀

右擬入蜡祀位圖

劉猛驅蝗諸書所載除姓劉無異若名字籍貫朝
 代各有不同降靈錄云神名承忠高州吳川人元
 未授指揮能驅蝗後因鼎革沈於河又汪沆識小
 錄神名銳即宋將劉錡之弟歿而為神驅蝗保穡又相傳
 間有功又王阮亭居易錄南宋劉宰字平國金壇
 人紹熙元年進士以正直為神驅蝗保穡又相傳
 南宋劉漫塘宰為蝗神俗呼莽劉以上四神名籍
 各別未詳孰是本朝雍正十二年詔有司歲以
 冬至後第三戌日及正月十三日致祭再考水
 經注有百蟲將軍顯靈碑云將軍姓伊氏諱益字
 隕敬帝高陽之第二子伯益者也孟子亦云益烈
 山澤而焚之可知益乃總制百蟲者不識何時忽
 焉改祀

甯津縣教諭楊璞撰重修八蜡廟記古帝王軫念
 民依惟重穡事為之壇壝祠宇求其相於溟漠之
 表祈穀於元日大饗於季秋猶以為未也凡能為
 田禾除害者莫不迎神索享崇其禮報此入蜡之
 祭行於歲終自伊耆氏以來未嘗廢也甯邑入蜡
 廟傾圮久矣道光甲申之夏近畿州郡蝗蝻間生
 曹邑侯致祭虔祝曰茲邑地狹民稠不堪重罹歉
 歲如天譴有數當移縣宰身無害我田穉也已而
 四境之內蝗蝻絕跡禾稼無傷卒登豐稔噫斯得
 不謂之神貺歟於是邑侯登進士民亟謀所以重
 新此祠者曰予忝蒞斯土凡境內應修祠宇皆予
 之責矧今日神貺之邀捷如影響者乎爰是首捐
 廉俸以為之倡因而士民樂輸踴躍恐後邑紳張
 清潭襄其事鳩工庀材廢者起舊者新未三月而
 功告成焉夫功德所存享祀宜舉順成之歲其蜡
 乃通古之制也惟神捍災禦患佑此一方自有廟
 食一方之理然則斯舉也豈徒以勤垣墉飾丹雘
 為觀美云爾哉其謂答今歲之降康祈來茲之大
 有匪且有且匪今斯今此所以與民共迓神
 庥於無窮也於是勒石而為之記道光五年

火神廟 在城東門外

六月二十三日祭今祭期與社稷壇同

月令其帝炎帝其神祝融鄭注此赤精之君火官之臣炎帝大庭氏也祝融顓頊氏之子曰黎為火官按左傳襄公九年春宋災晉士弱曰遷闕伯於商丘正闕伯居商丘又昭元年子產曰遷闕伯於商丘主辰是祝融闕伯皆火神也故漢時祀以為火祖又以其主辰故宋時祀以為火德星君明天啓元年定以每歲六月二十三日祀火德之神本朝因載於會典曰司火之神他若諾皋所記五方火精宋無忌則不可為典要矣

馬神廟 在縣治東

六月二十三日祭

詩吉日維戊既伯既禱毛傳維戊順類乘牡也伯馬祖也重物慎微將用馬力必先為之禱其祖鄭

箋曰戊剛日也故乘牡為順類也又吉日庚午亦外事以剛日也按周禮夏官校人春祭馬祖夏祭先牧秋祭馬社冬祭馬步鄭注馬祖天駟也爾雅天駟房也郭璞注龍為天馬故房四星謂之天駟據此則馬古有四時之祭而明洪武二年定制則惟以春秋二仲月甲戌庚為期其立馬神祠亦洪武十三年舊制也

倉神廟 在縣治西倉廩前廟一間 東向

正月二十五日祭

月令藏帝籍之收於神倉鄭注藏祭祀之穀為神倉而倉之有神亦自此祇敬必飭會典曰凡祭京通諸倉遣倉場侍郎率屬行禮若祭府州縣倉正官率屬行禮每歲春秋二仲月諷吉致祭或與社稷壇同日分祭

真武廟 在城北門內

廟制二間南向東有鐘樓一間山門垣牆久圯

此外真武廟一在東關外一在相衙鎮餘不備載

曲禮前朱鳥而後元武所謂元武即周官司常龜蛇為旐也小雅設此旐矣毛傳亦云龜蛇曰旐然元武何以取其象於龜蛇天文志曰元武北方七宿也虛危以前其形蛇室壁其形龜居坎位曰元有鱗介曰武張衡靈憲曰朱雀奮翼於前靈龜圈脊於後又蔡邕月令章句曰前有朱雀鶉火之體後有元武龜蛇之質此皆元武取象龜蛇之證也顧元武又何以稱真武則宋趙彥衛雲麓漫鈔卷三曰祥符間避聖祖諱始改元武為真武元冥為真冥元枵為真枵云會典曰凡祀北極佑聖真君歲遇

萬壽聖節遣官致祭又祈雨亦設壇於廟中

東嶽廟 在城東門外

吳澄山嶽碑嶽者地祇其祭壇而弗廟五嶽四瀆總立廟自拓拔氏始唐乃各立廟於五嶽之麓按

舊唐書明皇封禪泰山加號天齊蓋本史記封禪書齊所以為齊當天齊也故假借用之以為峻極于天之意然據史言入神一日天主祠天齊居臨淄南郊二曰地主祠泰山梁父則泰山與天齊各為一祠兩不相涉况史記所言天齊乃當天之中如天之臍也自唐以來大抵皆忘史書本義而以與天並列為解矣又孝經援神契以泰山為天帝之孫主召人魂斯言一倡微論後世祈禱無窮即後漢書方術傳許峻自言少嘗篤病三年不愈乃謁泰山請命又應璩百一詩年命在桑榆東嶽與我期皆未俗泰山進香之緣起 本朝順治八年題准每歲恭遇 萬壽聖節遣官致祭其所雨亦設壇於廟祈晴亦如之至若龍魚河圖云泰山君神姓圓名常龍泰山將軍姓唐名臣又雲岌七籤曰東嶽姓元邱名目陸多出道錄杜撰無稽

土地祠 在縣治儀門東

廟制正殿向南三間前有向西山門一間繚以周垣

孝經援神契社土地之主稷五穀之長俱土神故
 孟子稱諸侯之寶三不曰社稷而徑言土地至今
 凡社神皆呼土地也王充論衡譏曰篇如土地之
 神惡人擾動又羅鄴蔣子文傳當吳先主之初蔣
 死為災厲云我當為此土地神遂以人為之夷堅志
 山立廟祀之自此土地神遂以人為之夷堅志
 載沈約為湖州烏鎮土地神又剪勝野聞太祖嘗
 微行與監生某入酒家飲坐客皆滿惟餘土地供
 几帝攜神像置地曰姑讓我就坐此後土地祀位遂
 多矮座焉又有東西南北中五方土地之神見齊
 民要術即今修造動土所祭者再今俗喪葬開壙
 皆曰祭后土接開元禮及溫公書儀邱濬家禮皆
 曰后土之稱對皇天也乃天子所祀土庶家卜葬
 開穴亦稱祭后夸而僭矣朱文公集有祀土地文
 宜效法之凡營葬破土皆應稱
 土地之神或土公之神為正

附祀

禹王廟 在城西門外

舊志隨祭壇日期

禹疏九河而廟祀獨建於甯津何也蓋胡蘇居九
 河之中甯津正當其地故自東魏以至隋唐皆以
 胡蘇名縣明其地居九河之中故以匯羣流而
 立廟也其始創未詳何代而前明已屢次重修

葉馮二公祠 在城北門外原為知縣葉紹先立後以

知縣馮棟附焉今圮

邑人王珩撰告葉公木主文維嘉靖某年某月先
 甯津縣令文峯葉先生祠既成嗣知縣事柳江謹
 率僚屬泊鄉大夫士子以牲醴再拜納主而陳告
 焉嗚呼先生吾不知其何如人也亦不知其何修
 而有口於吾人也歷眠今之為政者即大法則民
 嗛大假則民褻嗛與褻惟恐去之不亟也祠云乎
 哉側聞先生嘗震懼一矣而民弗怨利之而不庸
 方矣而民弗褻豈所謂殺之而不怨利之而不庸
 者耶嗚呼先生當於三代之英求之矣夫祠之言
 思也民思其德而祠以奉之也是故阿好者無所

用其私偏惡者無以蔽其公蓋出於人心之不容已而天理之不可誣也初先生之卒於官也兒童走卒奔號擗踊婦人女子對泣哽咽以至弔哭之民日充衙宇而聲震城市雖行道之人聞之莫不潛然淚下也嗚呼若先生者奚容以弗祠乎哉故倡此舉者滕生也翁而從之者非滕生也固先生之德之在人心者爾也夫祠起于心心者精爽之會也吾不忍忘於先生而先生忍忘於吾民耶歲時伏臘以薦以祠精爽流通感格歆饗則斯祠也亦非徒也惟先生之神向其安之哉謹告

禮儀

讀法

禮部則例凡直省府州縣鄉村巨堡設立講約處所揀選老成者一人以為約正再擇樸實謹守者三四人以為值月每月朔望齊集耆老人等宣讀

聖諭廣訓及

欽定律條務令明白講解家喻戶曉該州縣教官仍不時巡

行宣導如地方官奉行不力者督撫查參

順治九年頒行六諭於各直省

- 一 孝順父母
- 一 尊敬長上
- 一 和睦鄉里

一教訓子孫 一各安生理 一毋作非為

十六年議准設立鄉約申明六諭原以開導愚民從前履行申飭恐有司視為故事應嚴行各直省地方牧民官與父老子弟實行講究其鄉約正副不應以土豪僕隸奸胥蠹役充數應會合鄉人公舉六十以上行履無過德業素著之生員統攝若無生員即以素有德望六七十歲以上平民統攝每遇朔望申明六諭並旌別善惡實行登簿註冊使之共相鼓舞

康熙九年頒發

聖諭十六條

- 一敦孝悌以重人倫 一篤宗族以昭雍睦
- 一和鄉黨以息爭訟 一重農桑以足衣食
- 一尚節儉以足財用 一隆學校以端士習
- 一黜異端以崇正學 一讀法律以儆愚頑
- 一明禮讓以厚風俗 一務本業以定民志
- 一訓子弟以禁非為 一息誣告以全善良
- 一戒窩逃以免株連 一完錢糧以省催科
- 一聯保甲以弭盜賊 一解讎忿以重身命

雍正二年頒發

聖諭廣訓萬言吏部行文各省督撫令教授正諭訓導等官

遴選生員中有品行文學者句詮字解闡發宣講俾
兵民人等入耳會心翕然丕變母得以鄉約耆老輩
偶爾談說虛應故事乾隆二十三年議准各直省督
撫轉飭所屬州縣嗣後宣講

聖諭必須實力奉行除每月朔望二次宣講外或於聽訟之
餘以及公出之便隨時隨事加以提命不妨以土音
諺語敬謹詮解明白宣示俾知奉公守法倘仍有奸
民斂錢賽會私立淫祠等弊卽嚴行查拏按律治罪
儀節 每月朔望清晨於本城空濶處爲講所上供

聖諭牌香案旁設講案正官率僚屬紳衿里民齊集講所選

老成生員宣讀贊唱排班跪叩如式向案開講衆官
坐班紳衿里民俱恭肅聽受併頒發鄉約全書於各
鄉堡齊集居民在約所逐條講解并讀律令

光緒八年邑令查十四五年邑令王二十三年邑令
燕二十四年邑令祝每逢朔望日在城宣講

朝賀

通禮每元旦

萬壽聖節長至節省會守土官豫於公所正中恭設

皇帝萬歲龍牌於亭南向設香案於亭之南其日五鼓有司
設燎於庭設燈於門廡省用道員一人爲糾儀官府

用同知或通判州縣均用教官一人學弟子員二人
通贊二人引班階下東西分列班次文東武西立位
東西面北上拜位北面東班西上西班東上重行異
等糾儀官位班行之北通贊引班位糾儀官之南皆
東西面夜漏未盡朝服畢會質明引班引入至丹墀
內東西序立通贊贊齊班引班分引至拜位前立贊
進少進贊跪叩興羣官行三跪九叩禮引退

鄉飲酒禮

禮部則例京師及直省府州縣每歲孟春望日及孟
冬朔日舉行鄉飲酒禮擇鄉之年高德邵允符衆望

者一人爲賓其次爲介又次爲衆賓京師府尹爲主
直省各府州縣官爲主

儀節 每屆鄉飲酒期於儒學舉行以知縣爲主人
位東南北面以致仕家居官齒德兼優或未仕而年
高有德者爲大賓位西北南面以已仕載籍或未仕
紳士有年德者一二人爲僎賓位東北南面以次長
爲介賓位西南北面又其次爲三賓位在大賓以下
皆南面次爲衆賓凡本邑紳士品行端方年五十以
上者皆得與位正西東面北上無定額不得其人則
缺之以教官爲司正位在主人之東亦北面闔邑僚

屬位正東皆西面北上贊禮者六人以生員爲之通贊二引贊四司解者二人讀律者一人讀誥者一人皆以生員爲之執事者十二人以僉生爲之先一日設坐次於庠之講堂設律令案於堂東司正官率執事諸生習儀設樂部於西階下至日質明主人率僚屬及執事主均詣學廼速賓賓介既至考鐘伐鼓主人出迎於庠門外揖賓介入衆賓從入三揖至於階三讓廼升主人東階上北面再拜賓介西階上北面答再拜主人揖賓介就位三賓衆賓咸就位坐定贊者贊司正揚解以下行禮均贊唱司正由西階升詣堂中北

面立賓主以下皆立司正揖衆皆揖司爵酌酒於解授司正司正揚解而語曰恭維

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生廼畢飲以解授司爵揖賓主以下皆揖司正退坐執事者舉律令案於堂中生員讀律令者詣案前北面立揖讀曰鄉飲之設所以尊高年尙有德興禮讓敢有喧譁失禮者許揚解者以禮責之其或因而爭競賓主席之人會衆罪之讀畢揖退執事以律令退捧大誥

設於前案生員讀誥者詣案前北面立如前揖讀曰
鄉飲酒禮敘長幼論賢良別奸頑異罪人高年有德
者居上高年淳篤者並以次序齒而列其有曾違條
犯法者不許干與賢良之席違者罪以違制讀畢揖
退贊者唱供饌案執事者舉饌案至賓前次僕次介
次主以次舉訖主人起獻賓席前北面立司爵者酌
酒授主人主人受爵詣賓賓起酢主人席前退揖賓
答揖次獻僕次獻介均如前儀訖復位賓起酢主人
席前東面立司爵酌酒授賓賓受爵詣主人位奠爵
於席儀如前賓復位司爵酌酒獻三賓及衆賓又獻

僚屬徧各就位贊飲酒供湯饌歌作樂酒行歌童歌
鹿鳴之首章再行歌南山之首章三行歌湛露之首

章每酒一行畢贊唱徹饌主賓以下皆起仍東西立

贊唱賓謝主人賓主皆兩拜畢下堂東北面望

闕謝

恩行三跪九叩禮主賓復揖分東西行仍三揖出庠門而退
迎春

會典前一日府州縣官具吉服綵仗鼓樂迎春於東
郊出土牛芒神行一跪三叩首禮昇土牛芒神行香
亭鼓樂前導至各署大門內設次安奉土牛南向芒

神位東西向立春日清晨陳設香燭酒果各官具吉服齊集次所贊就位排班行一跪三叩首禮興贊擊鼓樂工播鼓各官執綵仗環立土牛兩旁贊鞭春各官環繞擊土牛三匝禮畢各退

祈雨

通禮若間不雨諏宜祀之辰具祝文備牲牢籩豆香案帛爵鑪鐙守土大吏率僚屬素服祈禱爲民請命儀節 執事人豫入序立引班引陪祭官入引贊引主祭官入通贊贊執事者各司其事贊就位引主祭官至階下盥手就拜位立陪祭官按班就東西拜位

立均北面迎

神上香讀祝行三獻禮

祈雪儀同

救護

通禮直省府州縣遇日月食各按欽天監推定時刻分杪隨地救護

禮部則例凡月朔日食官員是日俱常服惟救護時素服又日月食遇穿朝服之期救護官員俱素服行禮

按日食之日潔掃堂署內外設香案於露臺上早晚隨日爲向布拜席設金鼓各官素服祇立報日初虧贊齊班行三跪九叩禮三上香正官伐鼓三聲金鼓

振作如食甚復行一跪三叩禮復圓鼓樂止各官更

公服行禮如初畢退月食儀同

賓興

大比之年先試期一月正官擇吉啟請應試諸生屆期公堂設宴架彩橋於中門外諸生至正官出迎揖讓升堂正官主席學官及僚佐與焉宴畢諸生簪花披紅餞升彩橋鼓樂送行

慶典

謹按通志以迎

詔受朔迎春耕藉鄉飲行香等制皆列入慶典茲既載入禮儀歸之有司矣而顧我士民間閭所共相慶者則亦有五焉曰千叟宴曰重赴鹿鳴曰五世同堂曰一產三男曰壽民是則編氓之所共慶也志慶典

千叟宴

乾隆六十年恭逢

萬壽縣民李九遊

八十歲李景華 八十歲曹九齡曹克廷曹可敬

曹仲祥傅希閔王景夏等八人均蒙 恩預千叟

宴

重赴鹿鳴

江西景德鎮同知歷署饒州九江瑞州撫州南康知府
吳名鳳乾隆四十七年壬寅入泮五十七年壬子舉
人至道光二十二年壬寅重遊泮水咸豐二年壬子
重遇鹿鳴督憲桂奏請奉

旨准其重赴鹿鳴筵燕

五世同堂

拔貢生候選直隸州州判張見龍張莊光緒二年壽八十

三歲五世同堂督憲李奏請

恩賜五葉延祥匾額

七品頂戴魏連有魏家莊光緒六年五世同堂學憲徐奏

請

恩賜清時人瑞匾額

布政司理問銜崔開泰崔莊光緒十八年五世同堂督憲

李奏請

恩賜五葉延祥匾額

耆民陶潤陶家庵光緒二十五年五世同堂縣令祝賜德

隆望重匾額未經奏請

按察司照磨銜楊雲程楊莊子監生雨春均五世同堂未經

奏請

一產三男

曹思誠妻高氏小曹莊乾隆三十八年四月初三日一產

三男督憲周題奏照例 賞給米五石布十匹

萬富名通志作民妻馬氏萬莊乾隆四十六年八月二十一日

一產三男督憲題奏 賞給如例

劉丕服妻張氏乾隆五十年一產三男督憲題奏 賞

給如例

李成用妻于氏乾隆五十四年正月初一日一產三男

督憲劉題奏 賞給如例

毛成倉妻張氏毛莊嘉慶二十一年十二月十三日一產

三男督憲方題奏 賞給如例

王樹田妻孟氏王表袁莊道光八年五月二十三日一產三

男督憲屠題奏 賞給如例

壽民

王景禹北田莊嘉慶二十五年壽八十歲蒙 賞九品頂

戴至道光二十八年一百八歲五世同堂督憲奏請

恩賜建坊銀叁拾兩並 賞給緞匹

于景武朝陽孫莊光緒九年壽九十四歲蒙 賞九品頂戴

十六年一百一歲五世同堂 奏請

歲貢生宋賓王妻尙

通志作尙誤

氏相衙鎮

乾隆六十年壽百

歲督憲奏請奉

旨建百壽坊

謹按通志慶典所載壽民皆百歲以上者其年不滿百者弗錄也所以尊重期頤而世顧以鄉耆厠之誤矣今遵其例

倉儲

舊制河間所屬常平倉儲多寡不一景州額儲貳萬

石河獻任則壹萬捌千石阜城壹萬石若交甯吳東

則皆壹萬肆千石也惟水患木饑災祲代有雀窺鼠

竊陳腐尤多昔之比櫛倉箱今已頽垣敗址救荒何

所資乎然積之以時平之以道凶旱水溢民其庶有

鳩耳

社倉一處 在縣西門外倉廩三間邑令尹傑建今廢

義倉七處 一在縣東十一里閻家集一在縣北十八

里大柳鎮

以上東路

一在縣西十八里相衙鎮一在縣西

南十四里新集以上西路一在縣南十三里李家鎮以上南路

一在縣東北二十五里中伍鎮一在縣西北十五里

坊子街以上北路俱邑令朱一瓊重修今俱廢

邑令朱一瓊撰修義倉記蓋維義倉之設圖圓於豐為備荒第一善政自那制憲奏明興復以來甯邑士庶咸知慕義樂輸積有穀石倉廩以及歲修經費業已先後捐有成數此後歲豐年稔隨時增益自足積儲充盈有備無患第恐日久弊生漸致侵挪虧缺是惠民之政竟成病民之舉殊負上憲軫念民瘼之至意急應遵照勒石垂記使士民共睹共聞以示無私而垂久遠

預備倉 舊在縣城東門內廩二十七間明嘉靖元年

邑令熊爵改建萬曆十六年邑令余鏗重修後廢光

緒五年邑令王以和在縣治西北新建倉廩五間紳

民捐穀捌百貳拾壹石捌斗叁升光緒六年邑令邱

濬恪勸捐倉穀叁仟叁百石貳斗柒升光緒二十二

年邑令楊善慶增修蘆囤六座捐足積穀伍千石共

存發商生息錢肆百吊按年一分起息所得息發紳錢隨時修倉提用訖

董生息錢壹千伍百吊按月以六釐起息又出糶積穀伍百

陸拾貳石捌斗合錢貳千壹百肆拾陸吊伍百伍拾

文發鹽店每月六釐生息現存積穀肆千肆百叁拾柒石貳斗

共發商紳生息錢肆千零肆拾陸吊伍百伍拾文邑

令楊善慶仍名義倉章程有紳董收存俟後如有變

通事由經手紳董稟請酌奪

會典凡民間收穫時隨其所贏聽出粟麥建倉貯之以備鄉里借貸日社倉公舉殷實有行誼者一人為社長能書者一人副之共領其事按保甲印牌有習業而貧者春夏貸米於倉秋冬大熟加一計息以償中歲則捐其息之半下歲免息社長社副執簿檢校歲以穀數呈官經理出納惟民所便豐年勸捐社穀在順民情禁吏抑派有好義能捐十石至百石以上者旌獎有差社長社副經理有方者按年給獎仍以息穀酌酬勞勸凡紳士捐穀以待振貸日義倉春頒秋斂取贏散滯獎善酬勞悉依社倉規條惟頒斂之期出入之籍時呈所在官覈之所在官於去任蒞任時授受簿籍察其虛實以行懲勸又乾隆元年議準秋收買補倉穀務擇好穀照各地方時價足數給發不得稍有短少致有官賠並派累里民等弊

郵政

嘗讀會典蠲郵諸條而知我

國家保息萬民者至矣凡保息之政十一日賜復二日

免科三日除役四日振斃獨五日養幼孤六日收羈

窮七日安節孝八日恤薄宦九日矜罪囚十日撫難

夷以上蠲郵諸政固包涵乎無外而卽一邑偏區固

亦衍仁風而流闔澤也昔文王敬寡屬婦念切恫瘝

卑服康田澤及枯骨此南齊六疾之館蕭梁孤獨之

園李唐養病之坊北宋居養之院所由繼起也古今

詎有異治乎若夫荒政尙有十二條則在賢有司隨

時相度自無不措置皆宜矣志恤政

養濟院

在城東門內迤北官廳三間居衆房二十餘間邑令燕調緯重修額養孤貧六十七名

留養局

在城北門內迤東局房三間邑令建捐銀叁百拾伍兩除局中支用外存銀叁百兩於乾隆十七年商領營運年息二分歲收銀陸拾兩局房今圯

惠民藥局

遺基無考

蓄藥以醫貧民擇醫士司之今廢

漏澤園

一在厲壇東邑令葉紹先捐置一在縣西北三十五里耆民耿綸置一在縣西三里耆民張廓置舊志均未註畝數一在城東北雒家莊計地二畝一在城東柴胡店南計地五畝一在城西王馬店後計地二畝

郵政

驛站

甯津地處東偏與山東犬牙相錯非來往要衝只有遞

馬三匹馬夫一名

按賦役全書甯津遞馬舊十五匹節次裁減至雍正中額存遞馬三匹馬夫一名半

郵鋪

舊郵鋪四自縣治前一鋪起至西南為五里鋪又西南

五里至二郎堂蘇家為十里鋪又西南十里至保店

為二十里鋪又西十餘里即接吳橋之溝店鋪

按雍正通志甯津鋪司舊章有部套河鋪即十里鋪也有李良辰鋪即二十里鋪也有界守鋪即三

十里
鋪也

兵防

甯津汛屬天津鎮標右營磚河營分防九汛之五汛駐

甯津縣城西關外西距本營一百三十里東四十里

至褚家莊與山東樂陵汛界西三十五里至五馬莊

西七十里至王家坊與吳橋地安陵汛界南十八里

至黃家莊與山東德平汛界北三十五里至鐘昭寺

北四十里至大曹莊與本營南皮境粹家窩汛界皆

分防本縣汛地通志

甯津汛把總一員駐本城西關外

守兵拾叁名

按通志甄河分駐兵共叁百貳拾肆名甄河本營
 柒拾貳名滄州汛四十九舊滄州二十七鹽山二
 十四慶雲二十六甯津二十二韓家窩三十馮家
 口二十四夏口三十南皮二十是甯津舊額二十
 二名近因奉
 裁減如今數

馬快捌名

民壯叁拾名

舖兵拾名

營馬貳匹

防守軍器

礮位拾尊

拾鎗貳拾杆

鳥銃玖杆


旗纛壹堂

長矛貳杆

腰刀拾口

以上乃現在者餘皆無存





宣
濟
縣
志

卷
五

三

